

JEMIS

Minj Jemis Tikak

Minim Nind Niņep

Baybol buk day kisen ak tikyak ñin ak, Jemis omiņal nokom mindyņgipay. Pen minj kun biy biynimb kuņaynep Jiysis numam kisen Jemis tikip rek ayip aņgiy niņbay. Nuk Jiwda biynimb miñmon okok maņgiyse, Gor nup gosimb niņbun apay gok, minim nep ma aņgiy, tap siy tap timey ak kirgiy, Gor aņgip rek giyņg, nup gosimb nokom niņiy, Jiysis Krays nup chingrep giy gem amnimuņ aņgiy tikak.

Minim Ar Keykey Mindip Rek:

Minim nind aņgak ak mindip, chapta 1:1.

Miker gunap apek, Gor nup ma kirgiy, nup nep gosimb niņyņg,
mindenimimb aņgak minim ak mindip, chapta 1:2-8.

Biynimb tap ma mindip gok sek, biynimb tap kuņay mindip gok sek minim
ak mindip, chapta 1:9-11.

Biynimb miker apek, Gor nup ma kirpay minim ak mindip, chapta 1:12-18.
Minim aņgniņgiy rek niņiy, ginimimb aņgak minim ak mindip, chapta
1:19-27.

Biynimb teptep gok sek, biynimb tam okok mindpay gok sek kuyip, miñ ar
nokom kun ak nep ginimimb aņgak minim ak mindip, chapta 2:1-13.

Biynimb Jiysis nup gosimb niņbun apay gok, minim nep ma aņgiy, tap siy
tap timey gipay ak kirgiy, Gor aņgip rek giniņgiy aņgak minim ak mindip,
chapta 2:14-26.

Biynimb Krays ker mindpim gok, joņimb nimb ak kond mindrep ginimimb
aņgak minim ak mindip, chapta 3:1-18.

Biynimb Krays ker mindpun gok, biynimb yikop gok gipay miñ ar ak, ma
ginjun aņgak minim ak mindip, chapta 4:1-5:6.

Gor nup gosimb nokom niņiy, Jiysis andkind winiņgamb ak gos sek kond
mindyņg, biynimb tap gip gok kuyip, Gor nup aņgniņnimimb aņgak
minim ak mindip, chapta 5:7-20.

1 ¹Yand Jemis, Gor apiymiñay kuyip woŋg giñimbiyn. Nimbip Jiwda biynimb jiw am miñmon key okok mindiy, Gor nup gosimb niñbim gok, “Nimb mindpim?” aspiyn.

Miker Apek, Gos Kuñay Ma Niñnimimb

²Mam ay sikop. Miker apek, gos kuñay ma niñnimimb; tep gakniñ nep mindenimimb. ³Kosyam mindeniñgambun rek, Gor nup chingrep giy mey, kisen miker yerip apek, ma pirikniñgambun. ⁴Nup chingiy nep mindiy mey, mindrep giy ma apyap pikniñgambun. ⁵Pen nimb gunap, yerer gon tep giniñgamb aŋgiy, Gor bi chinup direp yimb gip anup aŋgniñem, nimbip gos tep yipund giy ak niñiñgamb. Nup aŋgniñey, yip yenen aŋgniñbim aŋgiy, ma kirgip. ⁶Kun ak nup aŋgniñiñg, gos nokom niñiy aŋgniñnimimb. Pen chinup niñiñgamb akan, ma niñiñgamb aŋgiy, gos omiñal niñiy aŋgniñeniñgambim; yiñgen apiy, niñg solwara paŋgiy dand doŋ wiy gip rek ak giniñgambim. ⁷⁻⁸Biynimb kun gok rek, gos niñrep giy ma gey amimb: gosow gosow niñyiñg gey amimb ak mey, Gor nup aŋgniñbay ak, tap bap kuyip ginimuñ rek ma ayip.

⁹Mam ay simbgeprek gok, Gor kuyip direp gek mindrep giniñgambay niñ ak, miñmiñ giniñgiy; ¹⁰pen mam ay tap kuñay mindip gok, tap kiyk apyownimuñ niñ ak, miñmiñ giniñgiy. Yenen: biynimb tap kuñay mindeniñgamb gok, mon sum rek luñg yowniñgambay. ¹¹Pumb ak lim giy, mon sum teprep kun ak niñek, milip giy luñg yowip. Biynimb tap kuñay mindeniñgamb gok, woŋg kiyk gi dand amniyakniñ, kuyip kun ak rek giniñgamb. ¹²Pen biynimb miker apek, Gor nup ma kirgiy, chingrep giy nep mindeniñgambay gok, miñmiñ giniñgiy. Biynimb nup wasemb aypay gok kuyip aŋgak rek, arband perper mindep ak ayñiñgamb.

¹³⁻¹⁴Biynimb timey gun aŋgiy gos ak apek, Gor gos ñek kun giy niñbun aŋgiy, ma aŋgniñgiy. Gor tap siy tap timey ma yimb gip rek, biynimb gunap kuyip, gos kun ak rek ma niñiñgamb. Pen gos kiyk key niñbay ar ak, kuyip lipiñg dand amek, tap siy tap timey gipay. ¹⁵Gos niñbun kun ak, tap yiñ rek yimon, jakiy kindiy am wosgip rek ak; tap siy tap timey gipun. Tap timey gipun kun ak, pisnep mind wosgek, kumiy kuyiñg yowniñgambun.

¹⁶Pen mam ay tep yand gok. “Minim yesek bap aŋgeniñgiy,” ma niñnimimb. ¹⁷Tap tep yipund giy yerip yerip dipun gok, key okok nimb apek ma dipun: Bapiy yomb melik tep gayak ak nep, chinup niñb. Nuk miñ ar bap gi dand amiy, tap kawnan rek tuñgandikiy, miñ ar bap key ma giniñgamb. ¹⁸Gos nuk key niñiy gek, minim yipul yimb nup ak niñiy donuk mey; biynimb tep nuk, tap marip nind maŋgiy miñmiñ giyiñg pipangipay rek ak mindpun.

Niñrep Giy Mindrep Ginimimb

¹⁹Mam ay tep yand gok niñim! Nimbip minim aŋgñiyakniñ, kasek niñnimimb. Pen biynimb aŋg gun aŋgiy, kasek miluk ma niñnimimb.

²⁰ Biynimb miluk niñon, kuyip gos tep ñek, Gor biynimb suñ-tep nuk mindon angyi, ma niñningambay. ²¹ Kun ak, gos timey niñiy, timey gipim rek, yenen kun gipun angyi kirgyi, Gor gos tep ñimb ar ak giy mey, kim amemb rek ayniñgamb.

²² Gor minim ak timund ak nep pik niñiy, niñbun angyi ma angnimimb. Ak tom giniñgambim. Angip rek giy mey; niñbun angnimimb. ²³ Pen biynimb minim nup niñiy, angip rek ma gipay gok, galas ak niñiy, jomluk niñbun rek ak gipay. ²⁴ Galas ay niñiy, jomluk kiyk yerip rek mindip angyi niñrep gipay ak pen; kiring ami, sakiy giy; yergiy rek mindip angyi, ma niñbay. ²⁵ Pen low tep yimb biynimb piksak dip ak sakiy ma giy, niñying nep gey amniñgamb biynimb gok, Gor kuyip kond mindek, yerer giniñgambay ak amrep giniñgamb.

²⁶ Pen biynimb, lotiw niñind yimb giy mindrep gipun apay gok, joñimb kiyk ak niñrep giy ma apay; yesek angyiñg, key niñying gi mindpay. Kiyk lotiw minim niñbay ak, yikop yimb niñbay. ²⁷ Lotiw miñ ar Bapiy Gor niñek tep gip ak mey; ñapan amoñiluk gok sek, biyn kañil simbgeprek gok sek kuyip, direp ginimimb. Pen biynimb yikop gok yip yingong giy, asiñ kuyip kun ak ma wiliknimimb.

Biynimb Gok Tep Biynimb Gok Timey Ma Angep

2 ¹ Mam ay sikop. Nimb Biyomb tep Jiysis Krays nup gosimb niñbim rek, gos yesek okok niñiy, biynimb bilok keykey ma aynimimb. ²⁻³ Pen lotiw giniñg ap nan-giyiñg, biynimb tap kuñay mindakniñ, chech tep tep ay, riyñ teprep ñin mañgiy kiyk ay apey niñiy, kuyip angem am pom ar teprep gok bisgey; biynimb simbgeprek gok apey niñiy, angem lum ar bisginiñgambay akan, jakiy nep mindeniñgambay ak, ⁴ yipund ma giniñgamb. Nimb key gos timey niñiy, kun giy bilok ayniñgambim.

⁵ Pen mam ay tep yand gok niñim! Gor biynimb simbgeprek kun gok kuyip, kun ak rek ma gip. Nuk kuyip gos tep ñek, biynimb gin yimb nuk gok mindiy, nuk yip biynimb kond mindeniñgambay. ⁶⁻⁷ Biynimb kun gok rek, Gor nup dipay ak pen, nimb kuyip yenen angem, lum ar ak nambiñ gakniñ bispay? Pen biynimb tap kuñay mindip gok nep, Biyomb tep nimbip dip ak nup angyiwi, nimbip angy sikoy giy, dam kor gipay.

⁸ Pen Baybol buk ak tikiy angyak, “Biynimb gok kuyip, nand key wasemb aypan rek, wasemb aynimin angyak.” Gor angak rek kindik giniñgambim ak, tep yimb. ⁹ Pen chech tap gok aypay rek niñiy bilok ayniñgambim ak; Gor minim ak timbrikiy, minim yomb diniñgambim.

¹⁰ Yenen: Gor low nuk gok niñdiy, nokom bap timbrikiñgambun ak, Gor niñek mañgiyse timbrikpun rek ayniñgamb. ¹¹ Gor nuk nokom, biyn siy bi siy ma ginimimb angyi, chip ma ñanagnimimb angyi gak. Kun ak chip ma ñanagi, pen biyn siy bi siy giniñgambun ak, minim nup timbrikiñgambun. Pen biyn siy bi siy ma giy, chip ñanagiñgambun ak, kunep minim nup ak timbrikiñgambun.

¹²Kun ak minim angning akan, yerer gining, gos bap niñiy angnimimb, “Gor low tep nuk biynimb gok kuyip, tungasik kim dip ak niñiy, chinup kor giningamb ak mey; mindrep ginjun angnimimb.” ¹³Biynimb simb ma niñbay gok kuyip kor giy, simb ma niñningamb; pen biynimb simb niñningambay gok kuyip, simb niñningamb.

Minim Nep Ma Angnimimb

¹⁴Mam ay tep yand gok niñim! Biynimb mindrep ma gipay gunap, Gor nup gosimb niñbun angningambay ak pen, yikop yimb kun angningambay. Minim nep angiy, tap bap ma giningambay ak, kuyip yergiy dingingamb.

¹⁵⁻¹⁶Mam ay chech ma mindiy, keñmangiy ma mindiy giningamb gok niñiy, tap dam ñiyiñg mer: yikop, amiy mindrep ginimimb angningambun ak, yesek yimb kun angningambun. Kuyip tap gunap ñiyiñg rek, minim kun ak angjun. ¹⁷Pen Gor angip ar ak giyiñg rek, nup gosimb niñbun angjun!

¹⁸Nimb gunap angningambim, “Chin biynimb gunap, Krays nup gosimb niñbun, gunap angip angip rek giy, mindrep gipun ak mey, minim ma mindip angningambim.” Pen minim angningambim kun ak, nimbip pen angningayn, “Biynimb gok Gor nup gosimb niñbun angiy pen, yergiy angip rek ma gipay angningayn”. Yand Krays nup gosimb niñiy mey, angip rek gipiyn. ¹⁹Nimb Gor nokom nep mindip angiy, gosimb niñbim ak tep gipim. Pen kichekiy malñiluk gok kunep, gosimb ar kun anep niñiy, pirikiy jep dipay. ²⁰Nimb sakiy sek! Gor nup gosimb niñbun apim ak pen, angip rek ma giy, minim nep apim.

²¹Nimb niñbim: basind Ebrahim Gor nup gosimb nokom niñak rek, ñinuk Aysek nup pik Gor nup simbongning gek, nuk niñiy, ak bi suñrep yand angak. ²²Kun ak Ebrahim gosimb nep niñek, nup bi suñrep yand ma angak, Gor nup gosimb niñiy angak rek gek mey, bi suñrep yand angak. ²³Ñin kun ak mey, Baybol buk angiy tikyak rek, Ebrahim Gor nup gosimb niñek mey, Gor nup bi suñrep yand angak. Gak kun ak, Gor Ebrahim nup, buñgiy yand angak. ²⁴Kun ak niñim! Gosimb ak nep niñiy, Gor yip jimñiy ma mindeningambun; nup gosimb niñiy angip rek giy mey, nuk yip jimñiy mindeningambun.

²⁵Kun ak rek nep, biyn Reyap gak. Nuk kinjeñram biyn mindyngip ak pen; bi Yisrel omiñal aperik, Reyap biynimb nuk gok, kuyipmiñay pikayniñg geyak, nuk niñiy kasin gek mey, piyow mer niñyak. Kisen kuyipmiñay angyokek, pirik kinjeñ ar bap amiy, korip amnirik. Reyap gak rek niñiy, Gor biyn suñrep yand angak. ²⁶Pen biynimb mumbwak nep mindiy, kawnan sek ma mindpay ak, kim mindeningiy rek ma ayip. Kun ak rek, biynimb Gor nup gosimb niñbun angiy, pen angip ar ak ma gipay.

Joŋimb Chin Niŋrep Ginjun

3 ¹Mam ay Krays ker mindpim gok. Nimb kuŋaynep tiysa mindonjun aŋgiy, ma niŋnimimb. Chin tiysa gok, kor kilis rek niŋningambun. ²Chin maŋgiysek yipund ma gip ar gok keykey gipun. Pen biynimb joŋimb kiyk kond mindrep giy, minim yipund giningamb ar ak nep aŋgningambay gok, amemb wep kiyk gok, maŋgiysek niŋrep giningiy rek ayniŋgamb. ³Kanj hos gok yomb yimb ak pen; tap ayen sikoy par bap miñ ak sek tiwniŋgiy, di meŋg miŋgan ak ay, amniŋg gipay okok ken lip gey ambay. ⁴Siyip yomb gok kunep, yiŋgen apiy dand yesek okok ambikop ak pen, bi kapten gok stiya sikoy ak diy, amniŋg gipay okok ken di yipund gey amimb. ⁵Joŋimb chin ak sikoy ak pen, minim anŋon kuŋaynep ayip. Pen saŋgiy yomb yimb namb ak, sikoy band bap sup ñey, yin dand amiy, maŋgiysek yinimuŋ rek mindip. ⁶Mumbwak day chin ak, timey kun ak rek bap sek ma mindip; joŋimb ak nep mon maŋlaŋ rek mindiy, amemb wep chinup ak maŋgiysek gi timey gip. Pen mon maŋlaŋ kun ak, miñmon Hel ak nimb apiy, mey kun gip.

⁷Kimin yakir, siyŋ saraw, tap saŋgiy okok mindip gok sek, tap ñiŋg solwara okok mindip gok sek dand apiy mokey, gos niŋbay ak pen; ⁸joŋimb chin ak anŋon, gos niŋnimuŋ rek ma mindip. Timey yimb giy, biynimb pik aynimuŋ rek ayip. ⁹Joŋimb chin ak, Gor Bapiy yomb anup tep aŋgyiŋg, biynimb nuk rek niŋiy gayak gok kuyip, aŋgiwiŋg gipun. ¹⁰Joŋimb nokom kun ak nep, minim tep aŋgyiŋg, timey aŋgyiŋg gipun. Mam ay sikop. Yenen kun ginjun? Ak tep ma giniŋgamb. ¹¹Ñiŋg kilam nokom bap jiwiy, ñiŋg tep gunap, ñiŋg timey gunap ma wip. ¹²Mon ak, miñ maŋgiy ma piyningamb; miñ ak, mon maŋgiy ma piyningamb. Pen ñiŋg timey ak, ñiŋg kim tep molep rek ma ayniŋgamb. Kun ak mam ay sikop. Joŋimb chin ak minim timey gok sek ma aŋgjun.

Miluk Niŋiy Asik Keykey Ma Aynimimb

¹³Nimb gos niŋrep gipim? Niŋrep ginimimb ak, yimb nimb key ma dand aranimimb; gos tep niŋbim rek, Gor nup tep ginimuŋ ar ak ginimimb. ¹⁴Pen gosimb namb nimb biyaŋ yiruk gek, miluk niŋiy, yimb nimb key ma dand aranimimb. Minim yesek gok aŋgiy, minim yipul yimb ak ma taw yiw ginimimb. ¹⁵Biynimb gos tep niŋbun aŋgiy, timey kun ak rek gipay gok, Gor gos ñimb ar ak ma gipay; biynimb yikop niŋbay rek nep niŋiy, Seytan nup kisen gipay. ¹⁶Pen miluk niŋyiŋg, asik keykey ay, timey ar ak gon amek, mindrep ma yimb giniŋgambun.

¹⁷Gor gos ñimb rek niŋiy mey, suŋ nep mindiy, tep ar ak giyiŋg, kapkap mindrep giyiŋg, biynimb simb niŋiy direp giyiŋg, minim andikiy andikiy ma aŋgningambun. Gor nup tep giniŋgamb ar ak giy, biynimb tep gok mindiy, minim aŋg yiw yiw giyiŋg, minim okok nimb okok nimb ma

aṅgningambun. ¹⁸Kapkap mindrep giningambun kun ak, tap yij yimbay rek yimoningambun mey; jak yomb giy, mangiy teprep Gor niṅek, tep giningamb gok piyningamb.

Gor Nup Chingrep Gep

4 ¹Per miluk yapek penpen gipim ak, gos timey biynimb yikop gok niṅbay rek nep niṅiy, kun gipim. ²Tap diniṅ niṅbim gok ma diy, kalrimey jiwiy, biynimb pikayun aṅgiy gipim. Tap tep gok ma dinimimb rek ayek, penpen aṅgiy, penpen gun aṅgiy niṅbim. Gor nup aṅgniṅiy dipkip ak pen, nup ma aṅgniṅbim. ³Pen nup aṅgniṅbim ṅin gok, gos tep niṅiy ma aṅgniṅbim; chinup key tep gaṅ aṅgiy aṅgniṅbim ak mey, apim rek ma gip.

⁴Pen biynimb Gor nup chingrep ma gipim gok, yenen kun gipim? Biynimb gos kiyk tap mankumb biy ker nep amimb gok, Gor nup miluk niṅiy mey, tap kun gok nep gos niṅbay. ⁵Ar kun ak Baybol buk tikiy aṅgyak, “Gos chin ar gunap key amek, nup tep ma giningamb aṅgyak.” Pen minim kun ak niṅem yikop rek ayip? ⁶Minim nuk ak chinup kond mindrep yimb giningamb. Ar kun ak nep, Baybol buk ak tikiy aṅgyak:

“Biynimb keynep mindiy, mindrep gipun apay gok, Gor kuyip minim yiṅ rek aṅgip; pen biynimb yimb kiyk key ma dand aranimbay gok simb niṅiy, direp yimb gip aṅgyak.”

⁷Kun ak Gor nup pis ak mindiy, Seytan nup mer nep aṅgem mey, nimbip kiring amningamb. ⁸Gor nup chingrep gem, nimbip chingrep giningamb. Nimb biynimb tap siy tap timey gem ṅin gach gip gok, suṅ-tep mindonjun aṅgiy, ṅin mangiy ṅiṅ ayokiy mindenimimb. Pen nimb Gor nup kisen gipun aṅgiy yesek apim gok, gos omiṅal ma niṅiy, Gor nup nep chingnimimb. ⁹Sik apim ak kirgiy, simb gakniṅ siy aṅgyiṅ mindenimimb. ¹⁰Biyomb niṅmindip rek, biynimb tep ma mindpim ak niṅiy aṅgem mey; nimbip direp giningamb.

¹¹Mam ay sikop. Mam ay gunap kuyip yenen kun gipay aṅgiy, kuyip aṅgsikoy ma ginimimb. Biynimb mam ay aṅgsikoy gipay gok, Gor low nuk ak yenen mer aṅgip aṅgiy, sesek aṅg sikoy gipay. Kun ak biynimb Gor low kisen gipay rek ma mindeningambim; low nuk tep mindip akaṅ, yerip rek mindip aṅgiy, gos piyow niṅbay rek ak mindeningambim. ¹²Gor nep low ayak; nuk nep biynimb deprek ayip gok diy, biynimb ma deprek ayip gok kirgip. Kun ak nimb Biyomb mindip rek mindiy mey; “Biynimb gok mindrep gipay; biynimb gok mindrep ma gipay aṅgiy,” apim ak?

Yimb Nimb Ma Dand Aranimimb

¹³Pen niṅim. Nimb gunap apim, miṅiy akaṅ toy rek, miṅmon yomb bap amiy, kun okok simiy nokom bap woṅg biysniys giy, maniy yomb diniṅgambun apim. Pen niṅrep ginimimb. ¹⁴Gor kisen yerer giningamb

ak niŋiy ma apim. Miñiy kim mindpun ak pen; kim mindpun kun ak, yuk biñ ak gip rek nep gip. Won ak mindip, won ak kapkap kurgek amimb. ¹⁵Gip kun ak rek, minim apim kun ak kirgiy aŋgnimimb, “Gor nup tep geningamb, chinup kond mindakniŋ kim mindiy, woŋg kun kun giniŋgambun aŋgnimimb.” ¹⁶Pen biyomb biynyomb mindpun aŋgiy, yimb key dand aranbun ak tep ma gip.

¹⁷Miñ tep ar ginimimb aŋgip ak niŋiy, pen ma giniŋgambun ak; Gor niŋek tap siy tap timey giniŋgambun.

Biyimb Tap Kuŋay Mindip Gok

5 ¹Nimb biynimb gin yimb gok, minim aŋgning gispiyn ak niŋim! Miker yomb diniŋ gispim rek, simb gek siy aŋgnimimb. ²Chech tap nimb kuŋay mindip gok, siplep siwiy kuyiŋg yasaw. ³Gol, maniy, siylpa nimb gok simbsis gisap rek, tap siy tap timey gipim ak niŋrep ginimimb. Niñ kisen ak maŋ asaw rek, tap nan-gispim gok, mumbwak nimbik ak, mon yinsimbok amemb rek ak gispim. ⁴Biyimb woŋg nimbip gipay gok, kuyip pey niŋrep ma gem, kosyam mindpay ak, siy aŋgey, Biyomb kalrimey semb biyoŋ mindip ak niŋimb. ⁵Per man ar biy mindiy, woŋg wariy ma giy, yikop mindiy miñmiñ yimb girapim. Kun ak kanj gok mokrep giy, guk gek pikniŋmbay rek mindpim ak, won par ma mindeniŋgambim. ⁶Biyimb tep, nimbip tap bap ma gipay gok kuyip, yesek aŋgiy ñapim.

Miker Apek Yiruk Ma Niŋiy, Gor Nup Kond Mindonjun

⁷Kun ak mam ay sikop. Yiruk ma niŋjun; Biyomb chin asaw aŋgiy kond mindonjun. Biynimb tap woŋg gi yimiy, kond mindyakniŋ pumb niŋiy, miñmon pikiy, jakek nep niŋmbay rek, nup kond mindonjun. ⁸Biyomb niñ nuk winiŋgamb ak yep maŋ mindip aŋgiy, gos sek kond mindonjun.

⁹Pen mam ay sikop. Gor niŋmindip rek, mam ay gunap kuyip ma aŋgiwnimimb. Bi kor niŋniŋgamb ak maŋ asaw. ¹⁰Bi Gor minim aŋgep wosrey mindyiŋgipay gok kuyip timey giyakniŋ, kosyam yimb mindyiŋgipay ak pen; kapkap mindrep giyak. Ar kun ak nep ginimimb. ¹¹Nimb niŋbim: biynimb kun gok rek, mindrep gipay apun. Kun ak binak Job wosrey mindyiŋgip kesim ak, sakiy ma ginimimb. Nup miker yomb apek, kosyam mindek niñ ak, Gor nup gosimb niŋyiŋg kapkap mindiy, mind dand amnakniŋ, Gor gi tep gek, mindrep yimb gak. Yenen: nuk biynimb simb niŋiy, direp yimb gip.

¹²Pen mam ay sikop. Tap yomb yimb ak, Gor nup yimb ak yikop ma aŋgnimimb. Bi semb biyoŋ sek, lum biy sek gayak ak niŋmindip rek, niŋind aspiyn aŋgiy, ma aŋgnimimb. Yaw aŋgiy, yaw nep aŋgnimimb. Mer aŋgiy, mer nep aŋgnimimb. Yikop ak minim yomb yimb diniŋgambim.

¹³Pen tep gek miñmiñ gun aŋgiy, Gor nup kamep aŋgnimimb; miker gonimuŋ nup aŋgniŋnimimb. ¹⁴Biynimb nimbip gunap tap gonimuŋ, biyomb Gor biynimb nuk kond mindpay gok aŋgem apiy, Biyomb chin ak gek suŋ ayniŋgamb aŋgiy, nup aŋgniŋiy, wel di jun kuyip biyoŋ ayñiniŋgiy. ¹⁵Pen Gor nup gosimb niŋiy aŋgniŋeniŋgambay, nuk gek tap giniŋgamb kun ak, suŋ ayniŋgamb. Tap siy tap timey giyak gok, kunep niŋiy kirginiŋgamb.

¹⁶Kun ak nen, tap siy tap timey gipim gok, penpen aŋgyiknimimb. Aŋgyikiy, Gor nup aŋgniŋem, nuk gek suŋ mindeniŋgambim. Biynimb suŋ-tep gok nup aŋgniŋey, nuk key yimb giniŋgamb. ¹⁷Bi Gor minim aŋgep Yilayja, bi yikop chin rek ak pen, Gor nup aŋgniŋek, simiy omiŋal nokom, takin anep kaŋgol ak, miñmon ma pikak. ¹⁸Kisen pen tip ak Gor nup aŋgniŋek, miñmon pikiy tap woŋg gok jakak.

¹⁹⁻²⁰Mam ay sikop. Biynimb nimb gunap, minim yipul yimb ak kirgey, kuyip aŋgñirep gem, tip ak Gor nup gosimb niŋniŋgambay ak; tep yimb giniŋgambim. Kun giy mey, tap siy tap timey yerip yerip giyak gok niŋiy kirgek mey, kumiy pisnep ma kumniŋgambay.